

102/3  
KISWAHILI  
KARATASI YA 3  
FASIHI  
NOVEMBA 2020  
MUDA: SAA 2½

**MTIHANI WA DIRA 10: FASIHI**  
**Hati ya Kuhitimu Kisomo cha Sekondari**  
**KISWAHILI**  
**Karatasi ya 3**  
**FASIHI**  
**Muda: Saa 2½**

**MAAGIZO**

- Jibu maswali manne pekee.
- Swali la kwanza ni la lazima.
- Maswali hayo mengine matatu yachaguliwe kutoka sehemu nne zilizobaki; yaani: Hadithi fupi, Ushairi, riwaya na Fasihi Simulizi.
- Usijibu maswali mawili kutoka sehemu moja.
- Watahiniwa ni lazima wahakikishe kwamba kurasa zote za karatasi hii zimepigwa chapa sawasawa na kuwa maswali yote yamo.
- Majibu yaandikwe kwa lugha ya Kiswahili

**SEHEMU YA A: TAMTHILIA****KIGOGO: PAULINE KEA****LAZIMA**

1. Fafanua jinsi mwandishi wa tamthilia ya kigogo alivyofaulu kutumia mbinu zifuatazo za uandishi.

- a) Jazanda (alama 10)
- b) Majazi (alama 10)

**SEHEMU YA B: RIWAYA****ASSUMPATA K. MATEI: CHOZI LA HERI**

Jibu swali la 2 au 3

2)"Mwanangu, usimpake tope baba yako. Amekulea kwa miaka yote hii kama mwanawe, japo kwa kweli hakuzaa wewe."

- (a) Eleza muktadha wa dondoo hili. (alama 4)
- (b) Kwa kurejelea wahusika wengine wanne wa kike katika riwaya, thibitisha matatizo manne yaliyowakumba katika jamii (alama 16)

3)Ukiukaji wa haki za binadamu ni jambo la kawaida katika chozi la heri.

Jadili.(alama 20)

**SEHEMU YA C : HADITHI FUPI****CHOKOCHO NA D. KAYANDA (WAH) : TUMBO LISILOSHIBA NA HADITHI NYINGINE**

*Jibu swali la 4 au la 5.*

4. "Mapenzi Kifaurongo"

- a) " Hadi sasa mimi ni kama rubani aliyeharibikiwa na ndege angani"  
Onyesha ukweli wa kauli hii ukirejelea hadithi nzima. (alama 10)

"Shibe Inatumaliza"

- b) "Hatuwezi kumaliza kula. Kila leo tunakula . Hiki na kile..."

Fafanua dhana ya ulaji kama inavyojitokeza kwenye hadithi hii. (alama 10)

5. " Ndoto ya Mashaka"

Mwandishi wa hadithi hii anatupa taswira ya jamii iliyozungwa na masaibu yanayotamausha. Tetea ukweli wa kauli hii. (alama 20)

**SEHEMU D: USHAIRI****6. Jibu swali la 6 au 7**

Akili zangu  
 Zasimama ufuoni  
 Macho yake  
 Yakikagua bahari

Papa,mkali kama mauti  
 Anahangaisha samaki  
 Kwa ndaro na maringo  
 Daima akijigamba  
 Kwamba baharini  
 Haupo uwezo unaotisha  
 Wala tisho linalomweza  
 Wakati anaedelea kutiririka  
 Huku miongoni mwa samaki  
 Wingu zito huzuni  
 Lazidi uzani

Kama kwa sumaku  
 Samaki wanavutwa pamoja  
 Na nyuma ya ngao ya umoja  
 Wanaenda mwendo wa mbele  
 Wakiimba nyimbo zenye cheche

Kwa hasira zenye moto  
 Papa anaongeza ukali  
 Bali umati wa samaki  
 Haulegei muumano  
 Wala mwendo wa mbele  
 Kupungua kasi

Mashambulizi makali  
 Ewaa! Mashambulizi!  
 Kutoka pande milioni  
 Dhibi ya papa muuaji

Sasa baharini  
 Nyimbo za ufanisi  
 Zinapaa angani  
 Kama moshi wa unahi  
 Na kubusu masikio

Kama muziki wa nyonza.

### Maswali

- (a) Huu ni utungo wa aina gani? (alama 2)  
 (b) Kwa kutoa mifano fafana sifa zinazoufanya utungo huu kuwa shairi. (alama 4)  
 (c) Eleza mawazo ya mshairi katika shairi hili (alama 5)  
 (d) Taja na ueleze mbinu tatu za kifasihi katika shairi hili (alama 6)  
 (e) Eleza maana ya maneno yafuatayo kulingana na shairi (alama 3)  
 (i) Ndaro  
 (ii) Cheche  
 (iii) Nyonza

### 7. Soma shairi lifuatalo kisha ujibu maswali.

- |   |   |
|---|---|
| 1. Haki ya mtu thawabu<br>Hata 'nipatishe tabu<br>Kulitenda la wajibu<br>Nitafanya majaribu<br>Haki yangu 'taidai | kuidai sitasita<br>muhali mimi kukita<br>liwe hai au mata<br>na inapobidi matata<br>hata iwe ni kwa vita  |
| 2. Haki ya mtu u'ngwana<br>Sitaukiri ubwana<br>Na ikiwa ni kuwaana<br>Sikiri kuoneana<br>Haki yangu 'taidai       | siseme mimi nateta<br>na jeuri unoleta<br>sitajali sitajuta<br>na kupakana mafuta<br>hata iwe ni kwa vita |
| 3. Haki ifukie chini<br>'Tumbukize baharini<br>Ukaifiche jangwani<br>Itundike milimani<br>Haki yangu 'taidai      | ipige na kuibuta<br>'tazamia kuifwata<br>nitakwenda kuileta<br>nitawana kuileta<br>hata iwe ni kwa vita   |
| 4. Haki ijengee ngome<br>Na fususi isimame<br>Tainuka nishikame<br>Sifa kubwa mwanamme<br>Haki yangu 'taidai      | izungushe na kata<br>iwe inapitapita<br>haki yangu kukamata<br>kwenda huku wasota<br>hata iwe ni kwa vita |
| 5. Uungwana siuuzi<br>Ahadi za upuuzi<br>Kwa kila alo maizi<br>Tope yake makaazi                                  | kwa njugu au kashata<br>na rai kuitaita<br>hawi mithili ya bata<br>na chakula cha kunata                  |

Haki yangu 'taidai

hata iwe ni kwa vita

**Maswali**

- a) Bainisha dhamira ya mshairi. (alama 2)
- b) Eleza umuhimu wa mbinu zozote mbili ambazo mwandishi ametumia kutosheleza mahitaji ya kiarudhi. (alama 4)
- c) Andika ubeti wa nne kwa lugha tutumbi. (alama 5)
- d) Fafanua aina tatu za urudiaji zilizotumiwa katika shairi hili. (alama 3)
- e) Ainisha shairi hili kwa kuzingatia vigezo vifuatavyo. (alama 2)
- (i) Idadi ya mishororo
- (ii) Mpangilio wa vina
- f) Fafanua toni ya shairi hili. (alama 1)
- g) Taja nafsi-neni katika shairi hili. (alama 1)
- h) Tambua na ueleze maana ya mshororo ufuatao. (alama 2)
- Mleo wa ubeti wa mwisho.

**SEHEMU YA E: FASIHI SIMULIZI**

8. (a) Taja vipera vine vya utanzu wa semi na utoe mfano mmoja mmoja kwa kila kiperu. (alama 8)
- (b) Onyesha tamathali zilizotumiwa katika.
- (i) Jambo usilolijua ni kama usiku wa giza. (alama 2)
- (ii) Mgeni ni kuku mweupe. (alama 2)
- (iii) Hawi Musa kwa kuchukua fimbo. (alama 2)
- (iv) Kiburi si uungwana. (alama 2)
- (c) Fafanua nahau zifuatazo. (alama 4)
- (i) Ana jicho la nje.
- (ii) Yeye ni jamvi la wageni.
- (iii) Mkono birika
- (iv) Mfua uji.

**MWONGOZO SHILINGI 65/ KWA 0707311302**